

笙
月
詞



笙

月

詞

王詒壽 著

中
華
書
局

叢書集成初編

笙月詞

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

笙月詞序

時則顯穹嶺。涼波蕩。明月千里。倡婦樓頭。離笛三秋。西風江上。王子於是悅。縹渺之魂。發徘徊之曲。美人獨立。參差誰思。鶴骨不肥。如含子晉。銀河無景。疇箋玉谿。水調百篇。笙月一卷。抑何玲瓏其聲。激昂善變。與夫采詩入樂。無詔伶人。案譜填詞。豈云小技。子夜讀曲之變。勞人思婦之遺。致兼情文。雅備比興。世有作者。前無古人。庶尙友夫風騷。乃吐音於令慢。溺志閨幃之內。應求尊俎之間。刻畫微物。以夸多。雕琢曼辭。以取悅。闕達大雅。蓋無取焉。王子之詞。儲體於絜。結想斯遠。文外獨絕。予懷信芳。可謂古瑟未拌。洞簫作謚者也。僕攢鼻洛下之吟。隱几玉臺之集。深情祇有一往。抽豪不知誰屬。竊託同調。敢曰知音。隴首雲飛。洞庭葉下。秋心杳然。秋士悲矣。壬申九月杭

州譚獻撰

笙月詞

序

二

此 據 榆 園 叢 刻 本
排 印 初 編 各 叢 書
僅 有 此 本

笙月詞卷之一

山陰王詒壽眉叔

菩薩蠻

繡囊香鎖鈿文笛。彈鬟卸了鴛釵碧。銀燭海紅紗。寒幃人似花。梨
渦縈淺笑。翠被薰蘭早。譙鼓又三更。透簾斜月明。玉簪逗麝羅屏炯。隔窗嬌鳥呼人醒。鬆髻翠盤鴉。綠檀橫墮花。倩
人香玉軟。日影銀紗半。春困尙朦朧。暈波雙縷紅。碧簫吹絮絲風悄。龍文玉掌梳妝巧。雙影照菱花。素雲生淺霞。妝
成添鳳餅。麝煖房櫳靜。繡樣畫芙蓉。倩郎調粉紅。迷藏懶逐檀奴戲。砑綾小譜紅牙理。人倚杏花樓。珠簾半上鉤。雲
藍雙袖小。猶怯春寒峭。殘焰柳棉飛。銜香燕子歸。

法曲獻仙音

秋日偕孫鏡泉寶森丈。至興教院禪喜竟日。有懷詩僧屯香

上人

徑款濃青。門縈淨碧。清絕白雲僧院。窺竹簾疏。韻花磬小。禪房最宜
秋淺。正烟裊迴廊外。冰甌潑涼筴。閒吟徧具。多賤綠梅詩卷。屯香手書梅花
詩中張當日廬山社蓮人散。徙倚舊經牀。愛木樨一樹香情。聽徹齋
魚。好趁取菱肥莼軟。待鐘聲相送十里蟾光湖面。

虞美人

石門夜泊

阻風中酒心情惡。往事思量著。琵琶聲斷小樓空。只有三更街鼓五
更鐘。溫香吟徧消魂句。誰作天涯侶。起來無語倚蓬窗。月墮幾層
烟水白茫茫。

峭帆風裏眠難穩。紅點孤燈影。不知今夜夢如何。偏是春來夜短醒時多。打篷幾陣瀟瀟雨。抵死將愁絮。羅衾偎徧枕函單。又是柁樓人語說輕寒。

菩薩蠻

寶帶橋作

烟波小舫平于屋。畫衫掩冉鸚哥綠。壓鬢一枝斜。櫻桃雙朵花。紅橋迷柳絮。瞥向花深去。著眼未分明。空聞笑語聲。

臺城路

泊陽羨有懷陳迦陵

惹花風。軟吳波小。來尋柳邊城邑。絮撲虹橋。苔鋪蝶路。簌簌落紅誰惜。綠陰似織。問燕子。誰家髯仙舊宅。一角高樓夕陽。曾倚紫雲笛。江邊鳥聲喚徹。喚詞魂不醒。江影空碧。我亦能狂。公乎何處。踏徧春

烟雙展。青帘林隙。且泥飲梨花。醉眠爐側。細雨飛來。袖痕和酒溼。

摸魚子

鳩茲送錫疇家叔旋里

悵江頭斜陽如夢。烟痕釀就深暝。輕裝出沒垂楊外。飛絮共人無定。
雲樹迴。又添得銷魂。別淚征衫瑩。一帆遠影。想此去鄉關。鏡湖春水。
鷗鷺迂歸艇。還重省。料得房櫳宵靜。天涯定憶孤另。白頭慈母憑
相慰。爲道行人安穩。關心聽。聽隔岸鷗啼。春已荼蘼近。明朝酒醒。怕
旅館風寒。江南江北。花落雨聲緊。

金縷曲

梟磯靈澤夫人祠

野廟烟痕泣。悵年年蒼苔玉座。魚龍拜舞。十萬明珠飛急浪。步障分
明深護。應記得劉郎前度。歌吹江東花月夜。壓銀燈寶劍秋霜吐。三

分業那堪數。同歸辛苦江關路。更無端吳雲蜀雨。一般笳鼓。兒女英雄何限恨。千古濤聲猶怒。看隱約靈旂飛渡。霧鬢風鬟誰是伴。只小姑山影橫眉嫵。天慘澹。落霞暮。

鷓鴣天

自鳩江至宛陵二百里。水木明瑟。墟落清曠。寫以二解。

一路輕烟護短帆。幾叢疏樹點溪灣。斜陽渲出羅羅水。細雨妝成翦翦山。雲意懶。櫓聲閒。柁樓鷗語送微寒。水荇花瘦秋難靜。風起蜻蜒墮釣竿。

溪畔誰驚白鷺羣。野翁支杖看溪雲。十家秋柳成村落。五尺殘荷掩寺門。茅屋外。稻畦分。田孃漁婦盡紅裙。花梢一角書樓小。散髻兒童讀魯論。

水調歌頭

八月十四夜。登太白樓。月色萬里。振衣欲仙。叩闌浩歌。山水俱應。

萬里碧空淨。舉酒倚危樓。樓中謫仙已去。古月影長留。我欲手持綠玉。直上廣寒宮殿。笑酌紫霞甌。爛醉捉寒兔。騎作玉花虬。天風起。羣真集。鶴翎脩。乘雲何處汗漫。五岳縱清游。安得凌風躡臂。一夜鏡湖飛渡。照見鬢毛秋。拍手唱天姥。怒鐵叫龍湫。

清平樂

爲張別駕題畫冊

玉階苔繡。燕啄雙紅豆。架上銀鸚春也瘦。還認烏巾否。曲瓊影閃胭脂。可憐香細于絲。小雨無人庭院。櫻桃過了花時。

疏影

出宣州北門。水石蕭瑟。問梅堯臣故墅無知者。晚歸登謝元

暉北樓倚檻乘興發此清響

林迴徑複。趁碧天雨霽。野色新沐。梗稻香中。呖蛤聲筍。鞦韆踏遍烟
綠。水西何處詩人宅。但滿目疏花涼櫺。更斜陽雁背。駢來紅寫幾家
秋屋。獨自行吟歸也。孤雲帶粉蝶。斜傍山曲。卻被天風。吹上危樓
調徹。腰間橫玉。餘霞如綺。江如練。悵五字新詩誰續。遠暮笳飛滿江
天燈火。依微林麓。

念奴嬌

鳩茲江樓遠眺

臨風倚劍。春悲吟。驚起魚龍酣睡。放眼乾坤多少恨。消得尊前一醉。
莽莽頽雲。滔滔怒浪。不盡英雄淚。江山如此。伯符志業難遂。遙想
邊徼妖氛。征西羽檄。大合貔貅隊。落日黃沙。鏖戰地。白骨又添新鬼。
軍聲戰利。萬里提戈。千金買馬。擬刷焉支壘。憑闌搔首。一行秋雁飛

墜。

前調

送張明府之官溧水。是宋周美成作令地。署中姑射亭遺址尚存。片玉所載隔浦蓮諸闕。作令時所譜也。

臨流旒蓋向蔣山。山外斜陽欲發。舊是風流爲政地。何限水迴峯疊。姑射亭荒。浦蓮聲斷。雲影浮空碧。詞仙何處。落花風起如雪。惆悵六百年來。清真雅調。已是成消歇。君去江城剛柳暗。細雨啼鴉時節。衙鼓宵閒。訟堂春靜。笛語紅兒覓。一聲清唱。吟魂飛下涼月。

菩薩蠻

曲瓊波影愁千疊。無情征雁催人別。殘照柳絲低。船停花步西。歸期還預約。玉筍垂紅頰。門外是江流。吳山幾點秋。

錦書緘碧迴鸞紙。相思訴盡珍珠字。紅淚粉渦痕。難將寄與君。書

完蓮漏咽。小顚燈花結。花月鎖鴛鴦。今宵好夢長。
玉璫乍到天涯信。塞鴻報道歸來近。臨發又遲回。知他歸不歸。
期看已準。翠被眠難穩。生怕夜來寒。秋風江上船。歸

浪淘沙

席上有贈

寒細漏迢迢。好個良宵。絡珠腰鼓紫瓊簫。唱罷殢人嬌一曲。月姓花
梢。倚醉索紅綃。何處魂銷儂家妝閣。水西橋。橋外柳陰通小徑。一
道裙腰。

女冠子

粉澹螺輕。對鏡不施金鈿。臉波明。蓮蕊簪冠小。梅花繡被青。
朝眞
開玉殿。拜月出瑤局。還把來生願。祝雙星。

虞美人

催花休怨東風惡。花總年年落。留春無計奈春何。我自傷春心事比人多。嫣紅洗盡鶯聲少。簾罅寒猶峭。枝頭梅子欲黃時。又是釀愁天氣雨如絲。

夢橫塘

瀟湖廿四堆。爲南宋葬宮人處。偶尋往跡。愴也成吟。

零花熨雨。澹柳描波。夕陽紅墮。烟微。禁得銷魂。只幾個粉奴來去。金縷餘香。珠簾春夢。杜鵑猶訴。似玉鉤斜畔。亂絮濛濛重。到了雷塘路。東風枉自多情。鎖吹得苔痕。綠徧平楚。可有羅裙。向月下。珊珊微步。流不盡。深宮舊恨。嗚咽江聲。夜深語。望斷君恩。但青青草色。伴冬青一樹。

明月生南浦

雨後舟行。秋容婉媚。

小雨初收芳草徑。綠漲溪橋。紅漾斜陽影。兩兩沙鷗秋夢穩。蘋花香
遠江波冷。山寺鐘聲風送近。何處清歌。烟外搖漁艇。新月欲來雲
卷盡。歸鴉幾點川光暝。

虞美人

人間不信良宵有。燈暗眉峰皺。脂僞粉慙度華年。腸斷腮邊紅淚未
曾乾。夢痕花月筠絲繞。誰禁人濃笑。夢中可奈話相思。也是淒淒
楚楚別離時。

玉階草色青如帶。鞦韆依稀在。薔薇架倚綠垣斜。卻似茜羅裙上折
枝花。花梢風起輕寒逗。新月嬌于酒。下簾怕睹舊闌干。早又燈黃
香瘦上更天。

點絳脣

由郭西返草堂。秋陰半開。湖色一碧。飛雨忽墮。花涼欲烟。叩